

Bosna i Hercegovina
Federacija Bosne i Hercegovine
Tuzlanski kanton
Općina Teočak
Općinski načelnik
Broj: 02-11-1366-9/24
Teočak, 08.11.2024. godine

Na osnovu člana 64. stav (1) tačka b), člana 70., člana 88. i 89. Zakona o javnim nabavkama („Službeni glasnik BiH“ broj: 39/14, 59/22 i 50/24), Pravilnika o javnim nabavkama roba, usluga i radova u općini Teočak („Službeni bilten općine Teočak“ broj: 05/23) i člana 43. Statuta Općine Teočak („Službeni bilten općine Teočak“ broj: 5/08, 2/12 i 1/22), a na Preporuku Komisije za javne nabavke Općinski načelnik d o n o s i:

ODLUKU

o rezultatima okončanog postupka javne nabavke i izboru najpovoljnijeg ponuđača

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda broj: 02-11-1366-8/24 zaključenog dana 06.11.2024. godine, Ugovor za nabavku usluga stručnog nadzora nad izvođenjem radova na vanjskom uređenju poslovne zone Janja- Faza I i sanaciji i rekonstrukciji lokalnih puteva na području Općine Teočak dodjeljuje se najpovoljnijem ponuđaču **PGP Hidroinžinjeri doo** Tuzla, za ponuđenu cijenu od **5.755,98 KM** bez PDV-a po ponudi broj: 04-1/11/24 od 05.11.2024. godine.

Član 2.

Prijedlog Ugovora dostavit će se na potpis izabranom ponuđaču na adresu PGP Hidroinžinjeri doo Tuzla, Stupine B9/VI/13, 75000 Tuzla.

Član 3.

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Teočak, Centar bb, 75414 Teočak ili lično na Protokol Općine, dostaviti originale ili ovjerne kopije dokaza o činjenicama navedenim u Izjavama iz članova 45. i 50. Zakona o javnim nabavkama BiH.

Član 4.

Za izvršenje ove odluke zadužuje se Služba za privredu, finansije, prostorno uređenje i civilnu zaštitu općine Teočak.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav (2) Zakona o javnim nabavkama i bit će objavljena na web stranici općine www.teocak.gov.ba.

Obrazloženje

Postupak javne nabavke za usluge stručnog nadzora nad izvođenjem radova na vanjskom uređenju poslovne zone Janja- Faza I i sanaciji i rekonstrukciji lokalnih puteva na području Općine Teočak pokrenut je Odlukom o pokretanju postupka javne nabavke broj 02-11-1366-1/24 od 24.10.2024. godine. Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke je 15.400,00 KM bez PDV-a.

Komisija za javnu nabavku, koja je imenovana Rješenjem broj: 02-11-38/24 od 05.01.2024. godine, dostavila je dana 07.11.2024. godine Zapisnik o otvaranju ponuda broj: 02-11-1366-6/24 i Zapisnik o pregledu i ocjeni ponuda sa preporukom za izbor najpovoljnijeg ponuđača broj 02-11-1366-8/24 u postupku javne nabavke predmetnih usluga.

U postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je 5 (pet) i to ponude od: Institut za građevinarstvo „IG“ doo Banja Luka, Noing doo Tuzla, Pabilon doo Čelić, PGP Hidroinžinjeri doo Tuzla i Radis doo Istočno Sarajevo;
- da je blagovremeno zaprimljeno 4 (četiri) ponude i to ponude od: Institut za građevinarstvo „IG“ doo Banja Luka, Noing doo Tuzla, Pabilon doo Čelić i PGP Hidroinžinjeri doo Tuzla;
- da je neblagovremeno zaprimljena 1 (jedna) ponuda od ponuđača Radis doo Istočno Sarajevo i to nakon otvaranja i formiranja zapisnika o pregledu ponuda;

Prilikom analize ponuda vezano za ispunjavanje zahtjeva iz opisa predmeta nabavke i tehničkih specifikacija komisija je utvrdila da su ponude od sva četiri ponuđača prihvatljive, jer su sve u skladu sa uslovima iz tenderske dokumentacije. Vrijednost ponuda bez PDV-a su sljedeće: Institut za građevinarstvo „IG“ doo Banja Luka je dostavio ponudu po cijeni od 10.400,84 KM, Noing doo Tuzla je dostavio ponudu po cijeni od 8.780,30 KM, Pabilon doo Čelić je dostavio ponudu po cijeni od 9.558,96 KM sa uračunatim popustom i PGP Hidroinžinjeri doo Tuzla je dostavio ponudu po cijeni od 5.755,98 KM. Za navedeni postupak javne nabavke nije bila predviđena e-aukcija, a kriterij za ocjenu ponuda je najniža cijena.

Vrijednost najpovoljnije ponude po ocjeni komisije za javne nabavke iznosi 5.755,98 KM, što je znatno niže od procijenjene vrijednosti, te je Komisija je putem Zapisnika o pregledu i ocjeni ponuda preporučila donošenje Odluke o okončanju postupka javne nabavke i izbora najpovoljnijeg ponuđača PGP Hidroinžinjeri doo Tuzla.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije. U postupku ocjene provedenog postupka, ugovorni organ Općina Teočak – Općinski načelnik nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, Pravilnikom o javnim nabavkama i tenderskom dokumentacijom.

Iz navedenih razloga, primjenom člana 64. stava (1) najniža cijena ponude, Zakona o javnim nabavkama, odlučeno je kao u članu 1. ove Odluke.

Pouka o pravnom lijeku

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostavljeno:

- Ponuđačima
- a/a



Općinski načelnik

Tajib Muminović